

帝京景物略

帝京景物畧

卷之八

畿輔名蹟

狄梁公祠

劉司戶祠

九龍池

响岫崖

每山

駱蹕山

以上昌平州

上方山

雲水洞

石經山

紅螺嶼

寶島墓

以上房山縣

樓桑村

督亢陂

鄴亭

以上涿州

張華宅

彭小仙墓

以上固安縣

燃燈佛塔

李卓吾墓

以上通州

盤山

千佛寺

以上薊州

湯泉

以上遵化縣

延祥觀栢

以上平谷縣

沙巖寺塔

以上豐潤縣

種玉田

以上玉田縣

紅螺山

以上懷柔縣

帝京景物畧 卷之八

遼安方逢年 定

麻城劉 侗

宛平下奕正

終

狄梁公祠

過沙河二十里至新井庵松有林聲能鼓能濤影
能陰蔽西數里有臺曰景梁臺土人立以思狄梁
公也。柳林如新井庵松照行人衣白者皆碧初株
赤皆蟬噪聲爭久無復隋續行其下語不得聞又

五里始梁公祠祠曰農管間不全碑碣猶唐也元
大德間重建之我正統間重修之其碑云梁公爲
昌平縣令有媼子死於虎媼訴公爲文散禱翌日
虎伏階下公肆告於衆救之土人思公德立祠也
祠前一古木仆地如伏者虎相傳木亦唐時也木
傍數株植也盤結不可以綴南數武道上立二石
幢鑄梵語字法類李北海唐貞觀中幢也過西廢
寺石數段亦幢其二幢唐玄奘手書。

上元倪岳謁狄公祠○城西親拜狄公祠，龍笏森
然，卽今儀。此地孤雲心尚在，中天落日手曾支。
平生事業存唐史，一代文章託范碑。聞道邑民
能報德，春風香火重追思。

茶陵李東陽昌平道中望狄公祠○碧山西望邈
流麗，欲弔唐蒐誦楚辭。寄遠東粵誰與致，衝寒
瘦馬不勝騎。心懸青嶺瞻雲地，功在虞淵取日
時。預擬明年寒食候，莓苔壁上爲留詩。

吳縣王荃狄梁公祠○孤鴻海上直磬磬雙翠誰
禘殿上袍練石有方天可補槃弧無驗鬼空號
參苓入籠還爲川根莠當培不受媵南望河陽
如在眼青山內外白雲高

休寧程敏政詩狄梁公祠○香火煌煌照翠微古
祠猶在舊城非殘碑蝕土高三尺老樹凌霜大
數圍隻手臣扶紅日上寸心子聖白雲飛鶴來
未及椒漿奠河首青山帶落暉

再過狄梁公祠○崇祠香火傍高林，想像生容
一正衿。猛虎尚馴良吏手，化鷄能拂老臣心。孤
雲渺渺回天末，短日悠悠及歲陰。古道荒榛知
不遠，瓣香他日再來尋。○青鵝無計化辰危，川
望雲深日向垂。元嗣未應堪再辱，孤臣寧復避
多唾。台榭得相方能國，神器非公定付誰。歐史
范碑明瞭日，居人徒議令君祠。

襄垣劉龍謁狄梁公祠○梁公祠宇舊城西，禾黍

秋原信馬蹄，雨剝斷碑苔。半合雲埋老樹，鳥空啼。
天傾杞國心，如墮虞淵手。自携二十年來一登眺，感時懷古此留題。
○遺容儼雅廟深幽，血食橋山路。昨州城外野雲依，村度門西溪。
水抱村流，前朝事業無禘主。異代衣冠有勝遊，欲下石欄還徙倚。
青山斜日共悠悠。

長洲陳仁錫秋梁公詞。○伏願司馬所，化鷄不敢鳴。推心隨國史，潛涕定台名。蘇，碣霜還采，虞淵。

日自期。千秋餘正氣。豈獨祀兩介。

制司戶祠

昌平劉蕡唐文宗時憤宦官恃功專權應制對策極言禍福第策官左散騎長侍馮宿等讀蕡對嗟服而畏忌不敢取時參軍李邵登策乃上書自劾乞回所授以旌蕡直後七年甘露難作令狐楚牛僧孺皆表蕡幕府帥禮禮之而宦官深嫉蕡誣以罪貶柳州司戶參軍卒後昭宗感羅衮言贈諫議大夫諡文節封昌平侯元泰定間建祠州西南五

里日諫議書院至正間又建祠舊州東叅政許有
壬撰碑我明弘治間於本縣移建學宮內今圯
焉世多謂賁策不利于君哉。身前爲宰訓誦以有
異不取者身後感動人主以有嫉之誣之與之者
矢激則遠水涸則深也。一下第舉子贈謚侯封祠
祀百世。令當年救策登上第亦復一李邵耳。且邵
故因賁傳久遠至今爲自効一書不爲一第矣。卽
馮宿令狐楚牛僧孺當年禍福升沉亦何至擊景

蓋在直殊意。而黃名以彰。志稱黃宅黃墓。在昌平。今其址俱不可尋。崇禎五年。劉京兆榮開謀于董宗伯其昌。爲撰碑。手書之。以風策士。宗伯曰。黃已。追贈諫議矣。猶司戶稱存憤也。

茶陵李東陽謬劉諫議祠。○布衣人梯逆鱗。一代危言此地鍾。香火制存身後廟。策時書在閣。塵封。昏昏戴髮餘民改。折折穿山舊路重。欲向五陵還弔古。永安城外落霜鐘。

太平謝錡宿劉諫議祠。湖嶽山城黑坐遲。一燈
明滅幾停吹。憂心。儘覺神如對。哀夢空。憐夜作
期。五度客來應見我。百年人在定應誰。壁間敢
學。庾公。賦。淺薄終慚諫議祠。

欽。馮。程。敦。致。劉。諫。議。祠。○三年重拜諫臣祠。手袖
寒泉醒一危。氣節可興天下士。蒸嘗無魏社中
師。對延舍子嗟唐策。憂國誰續苑辭。今日萬
幾歸聖斷。有臣應恨不同時。

慈谿姚涑謁劉黃祠○古樹扶疎芳艸繁，
獨遺忠額表幽軒。春秋正始丹心壯，
城計興妖白日昏。四壁詩篇空往事，
百年俎豆尚英魂。悠悠此恨無今古，
山月婁涼照北村。

吳縣王葵劉諫議祠○荒灣野木古城隅，
何處昌平是舊廬。氣帶幽并多感慨，
策如鼂董亦迂疎。一同時下第誰云屈，
此外求言總是虛。不盡懷賢千古意，
執鞭無路欲何如。

吳汀周用劉諫議祠○此日何人問濁流大莚方
屬艸茅憂衣冠落落人心死河雒行行王氣收
千古直臣唐諫議一篇正學魯春秋餘生今日
顏眉汗香火流祠起暮愁

襄垣劉龍劉諫議祠○從遊不媿達于後伯仲何
慚賈董間一介布衣天下計蒲梁華月古人顏
臨軒猶策言誰畫想像尋思學自疑寂寞學宮
西畔路停停今是幾追攀

武進唐順之題劉蕢祠○歲莫山城摧落時。客來
下馬拜荒詞。獨傷往事。生流涕。欲問遺墟。不可
知。璞玉無因。輕易棄。龍鱗有逆信。難披。登科今
日。還吾輩。顏厚於君。何所辭。

內江趙貞吉劉蕢祠○一策乾坤正氣收。當時朋
輩至今羞。沙連塞艸寒三。萬葉和村煙。覆一丘。
濁水無情。流白馬。荒山何處。望青牛。罷歸遠竄
非公恨。所恨。身。前。鼠。未。投。

香山黃佐劉諫議祠○諫議祠堂在，栖栖托泮林。
雨垣春，薛合風，柳暮蟬吟。溢浦天何遠，沙河水
自深。投荒終棄置，入幕始浮沉。官府分南北，興
亡共古今。吐辭扶白日，回首破層陰。牢落千年
夢，淅淅清此夜心。停鑪休遠躅，鴻影在高岑。

莆田鄭善夫劉諫議祠○今古悲歌地，劉生有墓
祠。祗餘經世志，况值諱言時。去國英雄盡，還山
事業遲。黃金舊臺北，搔首動遐思。

長洲陳仁錫劉諫議祠○布衣修諫州媿已在三
公○何直登科日○能生策士風○麟嬰劉向逆○疏抗
比千忠○今我瞻山斗○且平一故宮○

孝感胡江謁劉諫議祠○等閒一策失雄雌○諫議
名高身後祠○士賤豈終時○宰慮主憂惟○望侍臣
知○北曹往事如公說○西角邊愁獨我思○灑淚橋
山明日路○無言媿聽水流漸○

九龍池

泉得山英石得山雄。不知其地中土也。視其石。濡而密緻。泐之而柔。五上四備已。不知其氣行地中也。酌其泉而甘。權他泉而重焉。熱之速。涼之遲焉。四氣春夏備已。九龍水出翠屏山之陽。泉出爲池。池方十丈。池出爲溪。溪五里。謁泉者沿溪入石澗。左右溪以淺深。蒲葦以淺深。溪行者以盤折藏露。望前菁林中。晃晃黃甍。出繚組上。九龍池也。望林

端百尺。雲頭層層。瞰池危立。大聲出其間者。池上
壁。壁間泉也。泉脉乎石者怒。而其脉九鑿九龍吐
之。非龍。其勢亦吐。不繚繚而帛。則珠珠而簾耳。吐
泉破池。池面割。水駭散。霧沫所及。檜竹繞李。夾池
叢叢。水之定處。見峯影蒼黑。當池之南。稍東面池
影又動。水趨關。逐渠繞繞。西入山田。去作農務矣。
世宗謁陵。過池。命構一亭。一臺于池之北。
亭曰粹澤也。今陵卒夥。顯道。列聖駐蹕事。

續漢胡松從觀九龍池水殿○水殿新營 御幄

西、上皇曾此數登躋千秋古樹凌雲上九道

甘泉瀑布齊柳帶年光含白霧花將春色上黃

鶴從遊擬獻長揚賦臣朔無能媿不稽○當年

此日饒風雨此日清明又不晴花發靈巖含

御靄鶯啼繡樹嘯春情無邊朔氣通玄微萬里

雲山擁漢京傳語同游莫虛負共將歌頌答昇

平、

上元許毅九龍池○九位時乘石作龍穿池引水
水含空風前活活驪珠吐地底原原碧漢通
謁
幕盡懸金榜外翠華齊降碧巖中
即看 在 薰思
魚躍還與微臣望幸同

涇縣王廷幹觀九龍池○龍門開碧苑池色綠丹
丘芳樹綠階轉清泉入戶流名丘花氣露虛谷
鳥聲幽草開
清蹕雲峰憶
彩旄木嶽空
鑑
燕山草斷烟浮
即此消千慮何須覽十洲

內江趙貞吉九龍池○九龍池傍 帝陵隈羣壑
泉澄寶鏡開，疑隱神駒精爽動，似流烏鵲羽毛
來。山蕺萬姓琴，雷鼎燭照千年秘，護臺爲有香
檠繞松栢，故令蟠屈長鱗苔。

歙縣汪道昆九龍池○水殿三秋爽，山泉九派清。
尋源迷徑入，倚檻忽雲生。星沫縣河鼓，風波動
石鯨。敢論臨太液，或恐象昆明。

江寧顧起元九龍池○碧簷紅樹上，扶踈滢沆靈。

池混碧虛天鏡，月流千嶂後。神珠日抱九陵，
初青雲似覆臨河馬。絲藻競潛在，錦魚共道此
中渚。聖澤年年玄祐薦，龜書。

南昌樊良樞九龍池○白日銀河動地來，
砌水滌澗春生霧，沼層氷泮雷。雷天雷九，
鮎尾故應涵睿澤，鰲冠祇許戴蓬萊。萃公在藻
承恩寵，魚麗欣陪數舉杯。

新野馬之駿九龍池○西沼埴流照層軒，亦駕虛。

葉聲雨濺後。潭影月虧初。藤度新巢鶻。萍開不
射魚。白頭憐衛士。指點說。變與。

正津王鐸九龍池。○山寂饒靈氣。禰成問水塘。荒
原流荇藻。禁水蔭虹梁。客淚園林墜。龍涎雷雨
藏。我朝恩過曆。宗海見滄桑。

吳國曹景參游九龍池。○小澗琮琤活水侵。問源
不遠可幽尋。潛龍默漱。諸陵液。結駟平披一
鏡心。老樹樓風鳴。設設。穉魚分藻立。森森。短垣

曾是經行幸。幾段飛光破晝陰。

岫岫崖

昭陵之北曰岫岫崖。旋旋蟠蟠。卓若帶磴。石隗怪。
若鬼面。泉爲統。陵而幽幽。樹爲禁。陵而鬱鬱。
下崖之菴曰瑞峰。一曰麻尼。崖高危立。菴逼其踵。
南山前逼菴。而又高危。冬前後兩月。蔥不見日。惟
短。至日。景一線透之。崖三峰。而三菴。兩峰翼中峰。
首自盤道菴以之。東峰菴。壁與石與樹也。西若。有
奇焉。自渡津橋以之。西峰菴。壁與石與樹也。東若。

有俯焉。自東西峰以之中峰。菴壁與石與樹也。東
西若有高焉。天啓中。陟監飾五菴新矣。三峰失其

全境。王熱聽遊酌酌崖歌戲呈近溪羅子。○康陵

齊坐客。羅子獨來晚。爲言峭峻崖池西。一條遠
初尋。熱徑窅。仰不見白日。五月陰風寒。昔巖雪
猶剩。看看路欲窮。忽與前山通。世外得人境。古
寺蒼崖中。拄杖獨息石龕坐。老僧提茶過青松。

舉頭見塞外，晏艸如秋空。客喘震崖崖，亦答日
夜不斷高。天風抗手別，僧一客蓬上。崖不歎下
維艱，琮琤鳴者九龍灣。馬頭明月松陵關。

歙縣在道昆 山陵事畢登岫岫岸○望望巖樓

勝行行洞道廻，攀躋從地險。豁廷忽天開，朔氣
盧龍近。秋陰渤海來，號乃無處所。倚杖有餘哀。

○鳥道逶迤盡，雲林高下居。有溪皆絕壁，無地
不精廬。偶欲留僧榻，眠因梵佛書。明朝車馬客。

歸路夜何如。○伊誰開浴榻。未敢問山靈。法眼
空三界。神功自五丁。徑行林竹紫。高坐巖蓮青。
一片頭陀石。重來好勒銘。

順天王嘉謨的岫崖。○莫謂靈丘遠。近於
嶺。寂
嶮巖嶮時可度。窈窕勢翻長。苔滑和風滿。花明
承日涼。叢篁涵地脉。積雪湧山光。蒲有仙人採
益。疑玉女藥。琳琅耀霧府。璀璨照醴場。習坎寧
求止。探奇興不忘。登登峰絕頂。仰仰意蒼茫。

蒙陰公鶴岫岫崖○橋山西北去一谷隱千峰曲
折崖屏掩高低閣棧重傳觴損飲澗倚蓋鶴巢
松小憇聽泉久東巖已暮鐘

長洲楊補岫岫崖○漸欲入深陰岫岫厓勢侵線
通人一徑鬼作面千岑白日傳山柝青天旱杏
林游心正森蕭自未此幽尋

仁和阮泰元登岫岫崖○一徑沿山曲馮高俯大
荒上方躡王氣北極壯金湯出岫雲低度驚人

馬下翔、凌虛天外去、身世與相忘。○水涵溪、爲
徑、崖危石作梁、雲消嵐樹出、風過客衣涼、松磴
行跡少、弊屐屢歲長、瞻天在咫尺、萬載 帝陵
鄉、

秋莫登、幽岫崖。○諸陵佳氣鬱蒼蒼、上接諸天
互渺茫、澗道高盤華下壘、霜林翠簇 帝王鄉、
尊峰、鴨山浮雲立、至日絲垂古壑光、共說壯遊
今獨勝、不知人世已斜陽、

銀山

天壽山東北六十里。曰銀山。或曰望也。非金方。鎔于冶。非月下之潮。方至。非鎮甲鍊刃。西來萬騎。而日方東。山之光也。曰銀山矣。或曰礪焉。銀山近

皇陵。故禁樵採。松不勝其柯。而偃栢拂地。而已枝椽子落。而無人收。榆柳條繁。而禁老秋。壁生樹頂。泉流葉間。山最高。日中峰。懸索升之。三四里。上石欄。供石佛。唐鄧隱峰禪師。修于此山。道成。此山故

多隱峰跡。峰下石巖，隱峰晏坐處。巖上石如臺也。
隱峰說法臺，嶺邊一松，曲如梳櫛也。隱峰往文計
峰有妹，與俱出家。夕定巖下，冥府攝峰，鬼詰峰前
覓不得見而去。末山尼開堂說法，峰挾刃夜試所
守。尼憚矢志，取其初服，集衆曉之。其徒立散，峰叅
馬祖得悟，因遊五臺。路出淮西，爲官軍討吳元濟。
鋒方交，峰騎錫空中，飛身而過。兩軍齊見而譁，後
入金剛窟，將示寂。問衆曰：諸方遷化，坐去卧去，是

有立化也無日有。是有創立也無日無師乃創立。而化。卒。亨然。衣亦順體。斬。斬然。昇。就茶。畏不可動。屹屹然。其妹咄曰。兄生不循法律。死更惑人。推之。而休。中峰下有寺。金天會三年建。曰大延聖寺。殿三重。扉皆僧漆骨塔。自佛覺禪師下。凡七。正統十二年。太監吳亮重修。請賜名曰法華。二碑。皆吳亮撰。并書。其一碑曰感恩感。英宗丁卯二月三日。謁陵畢。幸寺。降香。賜僧白金綵幣。碑也。按亮

遼事建文。比建文自滇入京。無識者。英宗遺帝

在。建文遙見。卽曰吳亮也。亮沒曰非。建文曰亮。爾

昔進食。擲鷄鴨。爾爾手各有執。乃就地餌以食。

爾忘之矣。亮泣伏地不能起。復命退而殺焉。又金

大定六年碑。刻隱峰銀山下。咏又弘治十年碑。翰

林學士汪諧。淨業堂記。今斷寺西上半里。松棚菴。

門內外各一松。公正似。韻輪蓋。內陰滿院。外陰滿

崖。北上一里。鐵壁寺。塔曰延聖塔。弘治四年建。塔

前弘治八年釋行倫詩碑記辦法華寺，鎮七十二
菴。今菴自松棚下，二十五爾。出山北四十里，井兒
峪。菴峪中，一山蹙其額，終歲不承日光。又一里，玉
峰山，山盡石，石盡白。樹盡頽，漿果。果林中，大萬聖
寺。土人呼張開寺。寺从頽落，像設皆石。今露而半
立也。殿前一大松，僧云備五種葉，二種耳。側掌栢
也。針松也。入山者，取道二。從白泛嶺入者，壁奇，松
栢奇，而路險難。從三思嶺，牛蹄嶺入者，路則平，木

石亦平矣。

慶陽李夢陽銀山寺○銀山湯嶺北天外削三峰。
下見林中寺。來岡午後鐘。僧徒住石屋。雷雨拔
門松。西望岡陵接。雲成五色龍。

武昌吳國倫銀山寺○黃姑山頭白。霧升鐵壁古。
寺羅荒藤。居人已測金銀氣。法界猶懸日月燈。
聊寄孤松仍結社。未須三竺更逢僧。西風七十
二鐘磬。立馬歸途思不勝。

武進唐順之銀山說法臺○秋山面面翠屏廻孤
石支撐說法臺想見高僧開口處峰峰曾與點
頭來

游鏡壁○中峰特棟如削鐵古松根透石紋裂
扶我中峰頂上看指爾入荒筇九節

歙縣汪道昆銀山法華寺○五陵東望白雲端水
壑松門歷化壇別有人天經浩劫高縣佛日照
長安林中雙樹龍宮隱天外三峰鳥道盤開士

倚分香積飯，宰官擬挂惠文冠。

昌平崔學處銀山○絕巖層巖相國奇，古藤宿雨
轉透迤，蓮室共荷銀爲障，向上齊看鏡作池，吟
望今多游客句，歲修昔止隱峰居，從來勝跡緣
人事，况近皇陵紫氣垂。

延山楊兆銀山寺○翠柏丹崖望不道，不知七十
二菴叢，山陵木石神人說，哉句耕耨民俗同，
水淨月盃眠桂影，夜涼雲納助秋風，照知舍利

藏幽谷早晚飛光上切空。○黃蝶西風白雁回。
逢天秋色入崔嵬。年深俯仰懸衣樹。事齊傳聞
說法臺。寺有山靈司藪牧。林無日影躬分埃。夕
陽欲下招提暝。涼月紛紛照酒杯。

涪州劉應節登銀山鐵壁寺○石磴藤蘿漫不窮。
但隨鐘磬得禪宮。芙蓉乍削三峰出。鸞鶴高盤
一徑通。立影孤巒低落日。看雲萬里御秋風。蒼
蒼鬱鬱無蕭瑟。塞上今茲草木空。○白馬金牛

去不回、銀山鍊壁白崖鬼、星雲歷歷中峰頂、香
雨祁祁說法臺、身半百年成夢界、虛無盡處見
如來、關河日暮聞清籟、獨坐松根意轉哀、

大倉王衡走銀山道○寥寂荒山徑、人隨黃葉蹤、
林虛峰影亂、谷老雪痕封、落日閒歸牧、投竿及
暮鐘、到來顛立馬、烏道幾重重、

宿銀山寺○野宿俄逢酒、匡牀影對吾僧寮、與
譚虎佛供開啼、庵月空懸相照風、鈴莽自呼、夜

清鍾磬發驚我尚征途。

銀山歸道○澹日荒平野。差池我馬黃。暮山看
便好。空翠遠相將。寒入鳥。相亂。煙含獵火。涼心
悲松。湘地。鎮夜月蒼蒼。

蒙陰公光國遊銀山登中峰頂○中峰直下視蒼
蒼。高建芙蓉。日月傍。松作虬形。旋佛國。巖如虎
踞。擁陵岡。千林不雜。頻婆果。七塔誰合。舍利光。
晏坐解衣。隨便好。名成木石已荒唐。

靈寶許儻游銀山○疊嶂迴流轉不前翠林深處
茂宮懸雨透黛色生濃澹風急松聲無斷連法
石坐來思半偈中峰上到接諸天山僧未慣欽
官長歌負壺漿餽野田

濟南千廷真銀山○皇家封樹鬱蒼蒼東北相傳
去道場青幘深迷 陵下路天花散落佛前香
聞泉菑澗東西聽熱馬穿林蹊徑詳但見如鎔
銀色聚不知山雷塔臺光

順天毛鏡說注畫○錫自幾年挂石臺選最深衆
山同樹色乳洞若泉音日月光無遠人天護到
今道成名勝蹟峰隱昔何心

窈平于奕正銀山說法臺○隱峰晏坐處艸長石
臺平洞響水爭壑林花雨正晴歸看僧入塔客
問鳥無名歸去遠將夕四間鐘磬聲

張開寺○古刹老僧荒僻地自無外客此深窈
壁座題宇四朝上簷巖宜人三伏中搭屋不除

自。川。石。縛。門。正。借。躡。腰。松。飛。丹。臺。碧。西。山。寺。瑣。
頃。河。爲。鑿。化。工。

駐蹕山

山在昌平州西南二十五里高十餘丈百嶠沓危立相與趨走狀不可擬西北袤二十里自金章宗游此錫駐蹕字人呼駐蹕山遂逸其初名上有臺章宗自題樓雲彌臺四字下觀野燎而獵召其酋長大人擊毬俄而自擊自賞嘆曰美乎哉無人見之須臾石羣起若視章宗益自喜灌以酪故石頂至今自存山下有洞名寒崖奧邃中乃多異艸奇

木草木資風日雨露也。今洞生外霜時亦自落洞
中也。西曰虎峪。檜。撞水出焉。瀑飛下三四里。至
錫巖下伏矣。人或謂昌平舊縣虎眼泉是。鐘嶺水
復出處。其有據歟。其無據歟。凡從喘臺過虎峪者。
蒼惘悵不決而返。

上方山

地○生○初○巖○壑○具○已○其○爲○恢○張○蕩○蕩○湯○湯○其○爲○天○龍○
神○物○傾○塌○排○觸○孰○測○所○然○歟○人○游○游○處○處○言○言○語○
語○山○受○名○伊○始○焉○有○初○古○名○者○有○傍○兩○人○鍊○士○名○
以○名○者○有○都○邑○郊○焉○近○晚○名○者○有○人○古○莫○至○山○今○
未○名○者○名○不○厭○熟○山○不○厭○生○至○不○若○所○不○至○者○深○
矣○大○房○諸○山○宿○名○也○而○上○方○山○晚○得○名○一○二○百○年○
續○續○有○過○從○者○循○孤○山○口○而○西○峰○橫○澗○束○澗○上○側○

徑如古牆，遙趾人如行衢中。村落林烟，水田麥畦，時時有大畧似外人。閒叟嫗，壯農健婦，無牧豎子，見人無不喜。畏遠窺之，十二三里，至下接待菴，兩壁巉截，中隱一罅，可狹蛇徑耳。不自意客步過身也。穿不斷，辨光前前萬萬不成，準繩。三步則旋，四步則折，仰天青蒼，日一丸白，跳而東西。至此坐，愁歎，或悔焉。望一平可息歇處，喜矣。曰：欲喜臺也。奇峯環臺，臺環視之，有敵樓，仰者，睥睨，闔楹，具有

蓮華似者青蓮而黃其狀竟似矣非依約擬似也
歎然行二里過堽率門一里得石級以几級三百
升九參毘盧頂也別一國土矣瑒然猶故天口遠
風平疇泉流維緩計里方五十巷寺一百二十六
巖嵌石出壑闢空者最藥師殿華嚴龕珠子橋行
行半里則上方寺矣寺不知當山外何方記入時
上又上是上方也寺左起一峰百數十丈石質潤
滑黃間五采色上有冠若柱若以當墮矣未詳也

峰下泉，日一斗，泉于峰爲下，于上方寺高，雖百尺也。清則流水，停則止水，清爲癡馬，則雪玉，寒水相傳，注泉，巖巖，便伏，微，謝，復，蟠，蟠，矣，峰，有，三，石，大，摘，星，峰，小，摘，星，峰，望，海，峰，寺，數，碑，皆，明，三，石，皆，亦，無，遺，金，夫，幽，僻，故，碑，應，無，毀，者，其，山，自，古，其，寺，自，今，茲，哉。

侯官曹學佺上方山路○路高，居人地，驚言未到，時老翁爲，何，爲，發，其，任，身，健，野，樹，懸，水，溜，茅，茨。

壓石皮幾村。縣姓著。說語至今垂。○瓦井尋何處。沙溝苦欲崩。斷碑猶有寺。乞食卽無僧。山勢開仍闕。天光降遞升。平生躋絕險。今此鳥俱騰。○客到孤山只。山家勸客休。果筐年事設。茶盃冷燭浮。釋子遠來看。此翁如有求。所悲城市者。相識也悠悠。○磊磊踏危石。泠泠見碧潭。不知身勸北。宛已路江南。淨色沾眉喜。清泉戒齒貪。窮源逢側壁。智者結爲龕。

上方寺○懸崖車馬絕，散步僅能躋。寺向雲中起，僧從天上棲。艸菴尋徑遠，水窟聽泉迷。爲擬前峰是前峰，到又低。

斗泉寺○冬嶺未蕭蕭，青依松柏綠。斗區泉不涸，陰壁雪難銷。垣角當山瀑，河門隱海潮。燕腥雜有戒，肩膊托僧寮。

晉州黃榜上方絕頂○峰巒天外境，入處階時低。隱約千菴祭，聞傳四境歸。上方僧俗朴，下望遠

空迷特地徘徊久，流泉過別溪。

長洲孫嗣烈上方山○上方人徑絕，絕壁罅中躋。
大小星能橫東西日欲迷，深泉曾受戒。危石只
空、松、百、二、卷、疎、洞、知、他、世、界、低、

慈露馮有經上方寺○層巒杳嶂擁林立，老檜長
楸夾道稠。苔護斷文留古勒，雲移疊石架危樓。
連峰何碍天之外，極路幽并海到頭。無限碧山
迷夕照，分身安得盡情遊。

嘉興朱茂時登上方絕頂○絕頂今觀迥不齊直
疑雲與較高低已非人境猶千寺、天上星更更
幾樣月始懸蘇時近代、虛疑仙真古宮蓮、湖中
汎水桃花片、異種知生何處巖、

雲水洞

登大小菴，星嶺西望，胡良拒馬大小河如練如帶，如游絲在拄杖下，顛則落河中耳。而隔山不知其幾十里，望且行，緣嶺四五降升，達雲水洞口，買炬種火，脫帽襪，結屣襪，薄飲，且飯。倩土人導，秉炬帚杖，隊而進洞。洞門高丈，入數十丈，乃暗，乃炬，乃卑乃偃行。又數十丈，鹿豕行，手足掌地，肩背摩石，又驚行，肘膝著地，背腹著石，又蟻蟻行，背磨著石，鼻

領看泥。以瓜勾而趾躄之。乃卑漸高矣。則苦菜從
 前入者炬灰也。觸焰乘而跬。觸手黥不脫。尊者帝
 降之後者。袖左右麾以入。漸見垂鍾乳。入漸高。雖
 高。然曲盤且仄。餅也。則前炬張如蜚。後屈曲。又盤
 行。蟻行焉。入又漸張。垂乳甚衆。米質雪膚。目不接
 土石色。心忪忪。痒痒。謂過一天地。入一天地矣。左
 壁間響。如人間水聲。炬之。水也。聲落潭底。不知其
 歸。又入。有黃龍白龍盤水畔。瓜怒張。尊者曰。乳石

也。焯炬其上。杖之而石聲。乃前揚炬。望鐘樓鼓樓。欄揀磨杵然。各取石左右擊。各得鐘聲。鼓聲。磬聲。木魚聲。聲者已。導者曰。塔。共擲石而指塔。塔層層。大三圖。其半折。導者曰。雪山也。果一山紛如光霏。霏者。芒如。磴益側不屬。石益滑。乃又臂引猿行。又入而左。有天光透入。定想之。洞口外晝光也。光所及。壁上有字。可行。可數。若梯可致也。尚其可辨識。左側高廣。有光亂亂。乃泉泉瀦。分受炬光。泉深莫。

測而穴復窺小從前入者亦無更進此凜然議且
出凡洞行得一與叢而息得一遺炬履而弗得一
形似外人造者物而嘉歎得一光知猶天也而心
安然凡入洞三易炬山殺炬三一凡入洞伏仆仄
援七易其行出殺行十一出洞矣遇接待卷中道
一石小兒足跡僧曰善財也按志大房山下孔水
洞時見白龍出轉化爲魚嘗又聞樂竹唐胡詹記
有人構火浮舟行五六日莫究但仙鼠旋飛鰲魚

來近火光也。開元間旱，每遣使投玉壁金泰和中，忽桃花流出，鮮如當五錢。今山下別無孔水洞，其卽雲水洞歟。而入不可以舟，而洞中潭亦不得所從出也。

侯官曹學佺雲水洞○幽探來此日，開鑿識何年。秘象殊方世，層層別一天。莊嚴成古佛，縹緲儼飛仙。潭畔雙龍狀，爲珠亦自圓。○容身無利處，空澗亦難窮。樓入穿花麗，臺臨說法崇。千重雲

氣繞幾道水聲通，豈有符能禁。潛行地肺中，○
山靈頗構思。若或迴風斤，布置林花勝。生成烏
獸羣，旒垂無影見。鐘叩有聲聞，觸目皆奇石。玲
瓏玉不冰，○燎盡促歸頻。風光出洞新，此身今
屬我。竿事更邀人，乍覺日初蒸。翻疑夜向晨，游
茲如夢裏。記憶未全真。

石經山

房山縣西南四十里，有山，好著白雲，服其半麓，曰白帶山。所生慧題草，他山實無。曰慧題山。藏石經者，千年矣。始曰石經山，至今也。亦曰小西天云。北齊南嶽慧思大師，慮東土藏教有毀滅時，發願刻石藏闕封岩壑中，以度人劫。嶽坐下靜琬法師，承師付囑，自隋大業迄唐貞觀，大湮梨經成。其夜山爲三吼，爲生香樹三十餘。六月水漲，爲浮大木千

統至山下，構雲居寺焉。唐玄宗第八妹金仙公主，
修之。我洪武二十六年，又修之。正統九年，又修之。
山上雷音洞，高丈有餘，縱橫于高有倍，上敞覆，壁
四刻經，柱四刻像，前石有扉，維以開閉。几案瓶鑑
若五，石臺有欄，橫與堂亘。堂左洞二，右洞三，堂下
洞二，皆經。唐迄元，代有續刻。經目列石幢，人傳洞
之初穿，火龍也。今石壁凹凸處，猶燒痕矣。洞中曠
而比階，池之井之，洞北有泉，融融，寶石逕石下山。

始置于上，木根石而資泉，膝腹乎木，亦資泉自古。
暮泉上，徑泉之南，旋旋登登山五頭，號之曰五臺。
金仙公主，各曰小塔以峯之，東臺壁上掌印四
號之口，文殊印也。別峰冠石，後廣前銳，出于虛空。
號之曰，照經臺。山下左右，東谿寺，西谿寺，西谿寺
後，香樹林，香樹生處也。夢堂菴，唐夢堂師居處也。
林後，璇公塔也。萬曆壬辰，達觀和尚，觀像設衰，顏
石版殘蝕，拊幢號痛，率僧芟除，是夜，爲來風雷光。

照巖壑，翌日啓洞，拜經石。石下有穴，巖石兩一尺。
上刻大隋大業十二年歲次丙子四月丁卯朔八
日甲子于此函內安置佛舍利三粒。巖壁持承。如
三十六字，發跡際異香發于函蓋。石銀金明三發
而得小金瓶舍利現矣。狀黍米色紫紅，而悲慈禮
贊聞于慈聖太后，迎入供養函瓶以玉外函覆
之。安置故處，僧慈山撰雷音窟舍利記刻之。石按
法苑珠林，白色骨舍利，白色髮舍利，赤色肉舍利。

墓三粒者其肉色也。山古碑多于林木著者二隋碑、一仁壽元年、王臣康碑、一仁壽元年、王邵碑、五唐碑、一開元十年、梁高望碑、一開元十五年、王大說碑、一元和四年、劉濟碑、一景雲二年、寧思道碑、一太極元年、王利貞碑、二遼碑、一清寧四年、趙遵仁碑、一天慶八年、沙門志才碑、二元碑、一至正元年、賈志道碑、一至元二年、釋法積碑、山半有菴曰半山菴、菴上半里、路跡宛于石、號之曰果老盤跡。

或碑實之。

華亭袁廷玉石經山○疋馬西風古樹邊那知此
地有西天山藝石刻五千卷寺號雲居八百年
舍利含光線未至。題題無種世難傳客來籠去
憑誰問野燒餘灰火洞前。

長洲姚廣孝觀石經洞○峩峩石經山蓮峯吐金
碧秀氣鍾題花而分兩域竺墳五千卷華言
百師譯院公滯變滅鐵筆寫茶石片片青瑤光

字字太古色，功成一代就。用藉萬人力，流傳鄙
簡篇。堅固陋板刻，深田地穴藏。高巖巖洞積，初
疑鬼神工。乃著造化跡，延洪勝汲塚。防虞猶孔
壁，不畏野火燎。詎愁苔蘚蝕，此山旣無盡。是法
寧有極，如何大業間。而此至人出，幽明爾之功。
乾坤配其德，大哉弘法心。吾徒永爲則。

餘姚趙錦石經山○畿輔之名山，懋題山奇峭，瀾
水下透道，峯石上遶透。過嶠百層樓，殊未臻堂。

奧前望若阻嚴，折旋有窈窕。疏鑿自何人，高朗
協神教。遺經寄靈石，書楷亦臻妙。白雲長自封，
清風爲除掃。我行祇皇役，朋從恣遐討。是日烟
雲間，並列山俱好。林鳥無數鳴，嶺猿一再嘯。緜
惟藏經人，光爭日月曜。

亳州薛蕙石經山○翠巖雙林介，丹梯一徑懸。洞
門窺地底，石室與天連。文字開龍藏，金銀布梵
筵。茲山實靈異，吾欲託棲禪。

吳縣蔣山鄉石經山○金筵初布地，玉宇舊葳蕤。
石室青霞護，松門白日扃。洞衝多宿霧，巖俯四
垂星。未厭探奇意，虛疑入杳冥。

會稽王思任石經山遇南公時將重興寺事○空
山寺梢深，萬木俱不語。獮馬窮斜陽，石齒何鉅
鉅。老松窺巖壑，流根坐蒼鼠。磴轉徑忽開，屢嘗
結島嶼。中有白雲封，隋僧函教處。七穴幾千年，
名書瘞虞楮。一洞響雷音，蓮華蒲兩序。展玩不

恐別既去復延佇，遠公偶相招。泉與石同煮，靜
夜來天香。梵音如律呂，言念寺岷崩。棟逸遺鐘
磬，春草換春風。碑土蕩何所，廢興各以時。七尺
猶堪許。

侯官曹學詮石經山○崑崙于地剝，迢迢幾赫亭。
是界應居佛，空山信有靈。火龍潭內赤，慈鷲嶺
頭青。不構巖爲室，遙臨石作祠。鐘聲虛度漢，旛
影濕飄星。貝葉翻三藏，刀錐付五丁。參差封削

洞。愿見。關。陳。靈。善。護。中。宮。勅。無。摩。歷。代。銘。指。心。
因。見。法。觸。景。但。聞。馨。卽。此。飯。依。切。奚。須。物。役。停。
還。持。舍。利。子。普。照。世。途。冥。

慈。露。馮。有。經。雲。居。寺。○。青。青。岑。嶂。切。天。開。澗。石。縈。
廻。半。隱。苔。松。下。覆。茅。精。舍。出。花。間。紆。徑。遠。泉。來。
經。思。劫。後。存。無。恙。塔。想。生。前。願。可。哀。洞。去。火。龍。
香。去。樹。雲。居。日。夕。隱。風。雷。

石經洞○小西方境隔層臺。守嶺何年一蕺開。

舍利湧光文字住。香林施淨帝天來。山名白帶
知幽爽。洞作燒痕。試劫灰。更上高峯最高處。風
雷竟日爲鳴哀。

嘉興譚貞默石經山詩呈王墨池先生○范陽雄
都竺山岑。幻出雲居香樹林。南嶽勇傳隋季法。
石經痴續劫灰心。時石經菴南公續刻石經

青龍畫經風雨。孔壁周爨並古今。自是有緣依
帝窠。陰漢泉永足幽然。

竹山釋佛光石經山○統統尋思老宿心古雲今
夢石函經分泉直下東西峪續刻詳開夷夏各
草長想題承佛記洞淵杳霧走山靈瓊公寂寂
餘孤塔澗水潺惟松月聽

上海清煥明石經洞○擲杖拜山經婁涼古佛心
老苦封舊篆積石別新銘法自秦三界神應守
六丁一兩先示寂願切後人辰

長洲在邦柱石經山○山灣迂杖藜山嶺各招提

穿穴龍腥在。旋林鳥語齊。洞雲經水火。貞珉勒
唐隋。別有幽深徑。踟躕日又西。

青田釋真靜石經山○勝蹟傳來古。碑蕪冀北天。
雷音妙法爲龍氣。護香烟。徧禮五峰塔。經過七
洞泉。日斜雲路覆。坐樹聽鳴蟬。

盱眙李言恭小西天○鳥道千盤去。深深蒼夢室。
可憐虛妄界。真作久長方。蕭洞龍辛苦。香林雲
宿叢。經殘僧入塔。令我思蒼紫。

亳州朱宗吉小西天登雷音寺獨○開眺層嵐大
漠開四垂青蕩勝遊哉捲簾五鳳雲中出倚檻
諸陵樹抄來下界烟鐘懸澗壑高天霜笛曉
樓臺故國南望三千里秋滿關河首重回

西峪寺○羣山西北去幽燕客與巖阿住宿緣
石室有經來白馬恒河何日長青蓮龍隨法雨
潭中出塵引天花座上懸一自南能留偈後千
年空指佛燈傳

洪州李遷小西天○秋至水泉清幽尋在北壩林

多雲隱寺叢古石藏經幢在思年代龍痕見影
形容來放塔去斜日洞門扁

玉津王鐸小西天○曲路雲相問陽坡先認秦而
若壑古日詩是大明人石髓丹山複碑臥綠蘇
巾巾水頭恐白閱世此蟬蛸

嘉興群行恣香樹蓋○無尋香樹處故稱語蹉跎
言急石函書能如慮却多飯香野鳥下鐘號宿

雲過行脚何期日、三年再此阿、

儀真釋福淵游東西二峪○一泉生二峪、鐘磬落
雲窩、掌印佛會現、蹄痕仙偶過、堂中夢可斷、嶽
刊劫如何、感慨無邊意、荒碑帶蘚苔、

嶽州吳惟明雷音洞○迂迴轉山麓、得境日西天、
禪佛雲開洞、藏經石紀年、峰飛秋壑雨、月帶暮
鐘烟、打讀荒碑竟、痕、瞻、意、黯、然、

嘉興駱駿魯小西天○峪口旋旋路欲迷、登峰纒

見此峰低，香林想草西來意。不道西天更向西。
○翠石空山自六朝，留將雙塔插烟霄。幽燕十
二州中土，殘碣驚看紀大遼。○獨憐宋碣此間
無。獻納誰爭督亢圖。今日去天纔尺五。余元遺
石委平蕪。○破壁曾傳上古書。經成瘞石計非
疎。祇緣地下無秦火。不向人間較魯魚。

長洲孫嗣烈石經山。○洞開龍去已千年。樹老無
香生野烟。南嶽只云塵劫永。百忙不了石頭禪。

吳江釋真可題琬公塔院○原上縱橫古石巒。年
年傾雪與餐霜。後人莫問高僧處。心在經函身
塔藏。○雲居深處長春薇。翠壁腰雲四望迷。拂
拭石幢松樹下。慈悲山岳向人啼。○萬里峩眉
去復來。古碑無字盡蒼苔。琬公遺願身先去。淚
在青山到劫灰。

嘉興釋道耕禮琬公塔院志感○七洞琅函今未
滅。一區荒土墓門平。年年異草延春色。處處殘

碑閱澗聲風散曉鐘村落靜山親高漢斗星明
任持永劫無窮願心逐寒雲繞 帝京

徽州吳惟明禮三藏塔○山溪新雨漲寒波濕綠
楊處處尋香樹荒荒多稻場塔森苔蘚自生苔
菊花黃金石延塵劫瞻依思杳茫

願天王嘉謨石經山別墅○疊嶂相將至一尊飯
白靈荒碑無俗字古洞有遺經翻過石生白藤
盤葉駐青天風吹太急倚杖立高冥○茅屋半

幽村因松結小園。雲根引栢倚水脈。別清潭速
蔭多栽柳。荒涼晏啓門。孤憤秋汗漫。日與野人
言。

紅螺嶮

山頭苦亂，月不給暉也。正復愛其懸亂，山澗苦喧，
耳不給聒也。正復愛其怒喧，山路苦蹉，趾不給錯，
也。正復愛其陡絕，爾乃樵夫牧兒，釋歎苦辛，來助
游。人。屹。屹。惘。惘。蓋。險。思。僻。情。夫。人。而。有。之。已。上。方
山之險僻，未險僻也。東去三十里，有紅螺嶮焉。山
通體一巖，鑿而巒，諸相具，循九龍峪，度入達嶺，犯
雲霧而上上，牛羊逕，非人徑也。日板葉只，入五里。

數十人家。苑隨厓起。戶隨澗開。遠望雲會門。兩峰立矣。到門而墜石。開裂真若門然。荒荒落落亦有借烟。如是者下險。下險而上里餘。澹澹出石壁中者。龍潭水也。過此徑窮而梯垂。鐵綬挽而下。上久之。梯窮又逕。洞曰紅螺。當年有紅螺放光也。洞石作古色。下土穹然。當年有人飲此。霹靂至也。龍窟。歟。如是者中嶺。中嶺後上半里。嶺意漸強。僧漸。而。其。字。峰。巒。者。漸。列。面。面。見。其。巧。然。勢。仍。仄。逼。直。

上觀莫及列峰之頂，石松棚菴一松橫陰，廣輪四五丈，半覆菴，半覆空，僧聚石松根，爲松禦風也。再右百磴，觀音洞，幽而容坐，深而閉閉，如是者上嶮，出嶮，有宇翼翼，差差花竹簇簇者，嘉遜菴，中貴山，樵焉，嶮舊名幽嵐山，一日賣金山，樵遜之，成化年始，僧宇之，嘉靖年始，游人傳之，萬曆年始。

公安袁宏道初入紅螺嶮，○鑿天出古空，意匠窮刻露，贖取長吉魂，幻作鬼工賦，霜巖透瑋鈔，石

骨竦清怒曆却至于今。影錢不曾在。無石不巧
心轉盼殊態度。一種老健中。自發嫵媚。起陰嶸
夾琉璃。飛仄窳仙步。一死直青山。梯足於懸樹。
入紅螺嶼道中紀事。○山風吹曉作新嵐。仙夢
莽茫古石龕。欲識死生清切處。棺材峰上卓荦
峯。山上有棺材峰。○田家打棗婦。盈畝高髻垂。

肩竿在手。此是六郎聚馬橋。卽君未審停鞭否。
○蒨蘆棚下水平鞦。古戍遺屯記宛然。馬市時

一 來今幾載、邊烽坐裏宿、枯禪。

京山王應翼紅螺嶺。○久聞此幽間、心眼相覓、
旋螺奔鳥道、漸與危嶂通、仄路繞以巖、天際從
珠宮、畫行亦怱怱、登降于蒙茸、萬峰面面來、奮
起摩蒼穹、仰首嵐翠飛、吾意默與融。○深深未
遑息、已飮羣峰半、一門窺以宏、堅砥森几案、金
紐鎖石梯、登轉疑中斷、忽焉踏青紅、猿鳥亂驚
竄、虛谷多冷風、遠樹迎人粲、倦倚賴石支、流泉

漱且盥。○峭壁神工削。蒼廣開玄竅。蹠磴蘿在
手。中遠非可料。空響無定時。青蒼自相照。石貌
接瞬息。日月驚其耀。人迹所罕過。乃是猿狖道。
颯焉過正風。颯度發清嘯。

賈島墓

房山縣南十里。峯然而上。唐詩人賈島墓也。摩
訶無不可講。弘治中御史盧某訪得于石樓村。讀仆
斷碑有據。乃植碑闢地三畝。大學士西涯李公別
樹一碑記焉。按島字浪仙。范陽人。僧名無本。初祝
髮。止善寺。一日雲蓋寺在瀛州城南。今蕪沒。無一
椽。夜或聞鈴鐸梵唄音焉。島之入東都時。吟落葉
滿長安句。卒求一聯未得。因笑京尹劉栖楚被繫

一夕釋。又一日苦吟驢上。指畫錯然。遇韓京兆。愈不覺衝至第三節。左右推至尹前。具云某方得句。僧推月下門。欲易敲字未安。引手作推敲勢耳。尹立馬良久。日作敲字。遂教島爲文。舉進士。然舉不第。文宗時得除長江簿。卒年五十六。島常以歲除。取一年詩。祭以酒脯。日勞吾精神。以是禱之。島至老無子。李洞慕其詩。範剡事之。常誦賈島佛。今房山有石庵。曰賈島庵。景州西南五十里有賈島。

村一日買島嶼。蓋詩人五里名。島爲多。身後名。島
爲久。

唐村荀鶴。經賈島墓。○請宦日。磨衣。銜冤至死時。
山長三尺。墓人口。數聯詩。仙桂終無分。皇天自
有私。暗松風。雨夜。空使老猿悲。

唐李頻哭賈島。○秦樓吟。昔夜南望。只悲君。一宦
終還微。千山隔旅墳。恨聲流蜀魄。清氣入湘雲。
無限風騷句。時來日不聞。

唐李洞過賈島舊地○鶴外口來有客星，長江東
注冷滄溟。境搜松雪，仙人島吟歌，林泉玉清。聽
此月已能，臨榜黑。逢天何益，抱墳青。年年誰不
登高第，未勝騎驢人畫屏。

賈島墓○一第人皆得，先生豈不銷。位卑終蜀
土，詩絕占唐朝。旅葬新墳小，魂歸故國遙。我來
因莫灑，立石用爲標。

唐釋可止哭賈島○燕生松雪地，蜀死荃山根。詩

僻降今古官卑誤子孫。塚園寒月色。人哭苦吟。
覓暮雨滿碑。宗年年添蘚痕。

唐姚合過賈島故居。○杳杳黃泉下。嗟君向此行。
有名傳後世。無子過今生。新墓松三尺。空塔月
二更。從今舊詩卷。人覓寫應爭。

元孔進士。失名賈島遺庵。○亂峰青抱石。溪寒中
有詩人獨倚欄。夜月龕燈曾禮佛。秋風驢背偶
驚韓。殘碑剝落苔封象。古寺荒涼草壓壇。我有

新詩吟未穩，推誠相憶路漫漫。

元陳章過賈島齋。○故庵尚在青山裏，却說長安
片瓦無。蚤有詩名驚吏部，勸加巾帽變浮屠。回
看姚李風斯下，上接岑王道不孤。我獨愛君詩
瘦健，推誠想亦費工夫。

明徐姚張才賈島庵。○閩僊曾向此，藏修村墓名
存幾百秋。瘦削客來吟几上，推誠僧自宿簷頭。
泉如索句艱難出，山欲成詩布置幽。歎息古賢

多散逸當年儒佛有深壽、

茶陵李東陽賈島墓○百里桑乾繞 帝京浪仙

曾此寄浮生、葬來詩骨牙山瘦、望盡荒原白艸
平、無地椒盤供廟祀、有人驢馬問村名、時盧侍
御、倚、後、其、墓、

窆碑四尺標題在、詞賦風余萬古

情

涿州顏鏡過賈島墓○泪盡窮轅得舊京、旋披叢
灌拜先生、相、郊、遠、在、今、西、蜀、梓、里、遙、憐、古、北、平、

奔走罷消何事業，
推敲骨瘦是勳名。
太行秋色桑乾水，
野老相呼後世情。

通賈島故宅○寂寞長江簿，
推敲撞晚唐。
故巢留芥里，
瘦骨寄桐鄉。
墓木蟲增葉，
秋花草墜香。
相傳夜鐘磬，
猶斷苦吟腸。

樓桑

涿州西南十五里，道右大桑高十丈，層蔭如樓，其蔭百畝。漢昭烈故居桑也。昭烈兒時與宗中兒戲桑下，指謂帝王羽葆，後因名村。千五百年矣。從大倍于恒桑。實時土人相餽遺也。桑側昭烈古廟。唐乾寧五年建者。前將軍關桓侯張說馬像，不言臣坐立而兄弟列像其側。陋時也。然昭烈王者服，桓侯亦豕人。今州城西五里，洗馬潭桓侯蹟也。嘉靖

中廟傍王氏田間廢石雞一道流購以重價王疑未售後兄弟以失價相訴斧破之中空涵水少許婢偶竊飲遂知未來事遠近詢問歷權執平事聞中使往徵婢忽不見兄弟坐妖妄論死隆慶中巡按賀一桂以怪異恍惚奉免得釋

唐劉禹錫摸象先王廟○天下英雄氣千秋尚凜然勢分三足鼎業復五銖錢得相能開國生兒不象賢淒涼燕故妓來舞魏宮前

宋朱熹樓桑廟○樓桑大樹翠纈紛，鳳鳥鳴時行
一開合使本支垂百世，誰知功業止三分，空村
常帶燕山雪，古廟猶飛蜀道雲，尚賴一方傳正
統，離離芳草半斜暉，○誰憐漢室竟三分，桑柘
枯條帶落暉，遺老凋零被艸莽，故宮榛澗會風
雲，龍飛舊國傳今日，龜載穹碑篆古文，俯仰空
城詩客恨，啼鳥滿樹不堪聞

元郝經樓桑廟○興王百折似高皇，垂老纔能據

一方鄴下只知移漢鼎。江東不肯帝劉郎。十年
生。長林猶在。三代君臣道未亡。涿水都爲永安
淚。子規啼血怨橫桑。

元周昂樓桑廟。○暗粉陳丹半在亡。短垣喬木共
悲涼。不須古碣書綿竹。猶有荒村記葆桑。塵土
衣冠曾繫馬。歲時歌舞亦稱觴。不應巴蜀江山
麗。能使英靈忘故鄉。

元陳孚樓桑村。○古廟千年後。桑陰滿涿州。亂山

空北向，大火已西流。遺恨三分國，英雄百尺樓。
聖人牲醴，真想像，袞龍浮。

羽酒州郭登，經涿州昭烈廟。○漢道寬仁，上合天。
天心于漢亦惓惓，三分已落羣雄手。兩主猶傳，
四十年，德業雄惟昭烈重，忠勤瘁盡武侯賢。君
臣魚水今何在，古廟樓桑涕泣然。

大平讞鐸，謁樓桑廟。○倉皇衣帶詔，辛苦武鄉侯。
西蜀分王地，中山奮跡秋。蛟龍曾失勢，臣主故

相投涿水樓桑照還同沛水流

涿州殿謙樓桑○先王龍興此故鄉桑阿五丈葉
幽光故宮木遶燕山近古殿雲飛蜀道長細艸
籠煙含曉翠好花曠日散初香年年飲社鄉人
集醉倚東風樂未央

鄴縣屠隆樓桑村○先王龍興地軒轅舊帝鄉皇
圖收上鯨天意失荆襄歲月叢祠古山河漢寢
荒長歌懷慷慨寒日下枯桑

桃源江盈科三義祠○荒祠遙枕碧山岑，門掩空
堂白晝深。手扶江山分鼎足，義投金石共丹心。
中原父老懷魚水，異代蘋蘩薦古今。河內空傳
疑塚在，誰操麥飯濕碑陰。

嘉興朱茂時樓桑村○炎炎支一木，古道在樓桑。
葵蕪錦城杳，風雲翠葆涼。不驚村女拙，饋其野
人嘗。八百成都猿，陶茲葉有光。

督亢陟

督亢陟在涿州東南十五里。沃美之名聞天下。燕
太子丹乃遣荆軻進秦王國也。地經安史亂後。石
晉割置四百餘年。至我國初入中國。編戶然而
粟粟之民。粒食東南。東南之粒。能飽九邊士。亦能
荒三輔土。今過問上谷四五百里間。水流時斷。林
烟時見。禾黍時有。烏觀所稱沃美者哉。或曰。督亢
陌。幽州南界也。以要致重。不以沃美。風俗通曰。沈

澗也。言乎淫淫澗澗。無崖際也。汎澤之無水。斥鹵之謂耳。陂有故亭址。高丈。周七十步。土人稱之曰青亢亭。時掘得瓦礫金錢也。亭址南去二百里。古某安縣。今之易州。別稱資督亢園。爲將刺秦。天子丹。錢送刺易水上。刺爲歌。易水寒之歌。後人乃述其儀處。計所從沒。當燕中都。西入函關道也。今指安州城北者。曰易水。不知今官道。爲卽片祖道與否。鄭道元水經注。一日。蓬孔山鍾乳穴。東歷剡崖。

者是。一日在武陽者是也。蓋鄧之注易水往往焉。
吊太子丹云易水出西山寬中谷東歷燕之長城。
又東逕漸離城南太子丹館漸離處又東出范陽
台溝水逕樊於斯館西是其殺首荆軻處又東南
流逕荆軻館北丹納田生言尊軻上殿館之於此
華亭董其昌督亢道中○誰知燕地有西湖沃壤
長堤督亢圖爲問黃金臺上客得尋說劍酒人
無、

公安袁中道過督亢○斷橋流水卧枯楊○下里飛
沙草木黃○督亢如何稱沃美○荆軻圖去致秦王○
丹陽賀世嵩督亢道中○寒流漸漸野橋迴○督亢
山川夕望中○二句歌終雙客去○千秋猶自恨圖
窮○

江寧艾容督亢道士○爲問燕輿賸橫金○塗水荒
村歌無壯髮○割地愧園蔬○木洞木橋殘日西○人
長街奉饗復楚○古月照寒涼○

清苑傳珪訪易水○荒村野寺古今秋、白澗西來
易水流、微羽聲中悲、怒士不知別、後幾同讐。

歸自大寧重渡易水○
沙堤易水灣、事去千年悲、州在燕圖秦、籍只如
問、

信陽何景明易水行○寒風夕吹易水波、漸離擊
筑荆卿歌、白衣灑淚當祖路、日落登車去不顧
秦王殿上開地圖、舞陽色沮那敢唾、手持七首

摘銅柱事已不成空罵得嗔嗔燕丹當滅身光
也自刎何足云惜哉枉殺樊將軍

儀封王廷相易水○王子逃秦質黃金谷然十、筑、
歌雖云哀一劍詎足倚十年期生聚勾踐雪吳
恥燕社隨風去豈獨誤田子

儀真王大用易水懷古○昔聞易水歌今見黃金
臺易水送鳴咽黃金揮神策一十司其、新圖、
安在哉

大倉王衡渡易水歌○易水春激激、白沙鬱相濛。
我馬踟躕慘不進、展閉劒吼雙雌雄。憶昔荆軻
從此去、送客如煙不回顧。大風立浪吹向人、人
面稜稜髮爲怒。當時漸離擊筑聲正悲、燕丹跪
捧金屈卮。手提將軍鬪體去、血飲七首紅絲絲。
可憐秦庭輕一擲、探鉛更笑盲而癡。市中酒徒
但醉死、在我歌泣空相持。

會稽陶崇政易水歌○易州新酒年年熟、不向荆

鄉墳上。淚。恨。殺。秦。庭。破。藥。囊。空。使。漸。離。爲。擊。筑。
武陽小子。捧銅槃。豈作屠門朱亥看。便使腰間
懸七首。不須坐繞白衣冠。祖龍久化。驪山上。壯
士聲名。桀如虎。我之來兮。水自流。我既去兮。怨
未收。青山高兮。白日暮。猶記燕丹。送行路。

新建熊文舉過易水○意憤無成。敗當年太子丹。
兩餘青。齊丸風起。白衣冠。一七龍魂奪。三歌馬
角寒。漸離虛擊筑。酒伴不生還。

平湖陸啓法易水有懷○白虹衝日髮衝冠○
非難神勇難不識所期何姓子○空教色變死燕
丹○

新水官撫極渡易水○荆卿去易客來進○知已難
言死報之○水語不平流帶石○悔深當日送行時○
海鹽徐頴易水行○易州之水瀉平地○今古不乾
筑中淚黃埃一丈昏于霧○云是謀秦從此路○無
可奈何督亢圖○劍術已疎筑又疎○歷四公子不

可作怒虎負螭浪一搏羽怒微悲
計事成不成咸陽王氣今烟燼
惟有歌哭留其聲

鄴亭

今所傳鄴道元故居者，承州樓桑村南三里，曰鄴亭，而樓桑村則承西南十五里也。居無址，無碑，誠有好奇者，將碑且亭之，而疑其處，嘗攷之，鄴亭不因道元名。道元宅，鄴亭西北，非卽亭焉。且承北宅不應承南也。道元之注巨馬河曰，鄴亭溝水，上承于亢溝，歷紫洞東，余六世祖，樂浪府君，自承之先賢鄉，爰宇其陰，西帶巨川，東翼茲水，其水東南流。

名之爲酈亭溝。又西南轉入巨馬水也。然則道元
之先六世酈亭溝水名矣。宅承陰。西河而東溝矣。
山水承督亢溝。支注于通縣東。而督亢自經通北。
又逕涿縣酈亭樓桑里南耳。樓桑南卽酈宅。爲無
筮矣。夫十德久載。水行多遷。人道尚著。隱者先深。
巨馬河。舊霸州北。流合界河。今徙州南。流合霸水
矣。道元六枝派津。津。洛。塔。圖。同。漁。之。贍。可。懷。今
涿。故。多。水。田。土。泉。於。以。計。田。漁。孔。樂。往。懷。不。殊。焉。

道元、襲父範永寧侯爵、執法清刻、治尚威猛、歷有
能稱、好學博覽、古圖書、所注水經十四卷、本志十
二卷、行世、祖嵩、曾祖紹、世以仕顯、其六世祖桑、混
府君、名不可攷、然鄜亭名、實攸肇之。

襄陽在如亭過鄜亭○桑乾有支流、橫亘紫淵東
其津乃有建、禾黍光熊熊、鄜有高士居、山水環
厥宮、厥孫曰道元、高深羅自衷、列侯貞素懷、厥
祖樂浪風、我過鄜亭畔、鄜盡亭亦空、歸讀水經

注：瀕瀕君在中。

張華宅

范陽故處曰張華宅者二其一盧溝河北斬指是
焉耳更無址蹟可尋其一固安縣東北八里張華
村頭村人指石井欄八角焉曰故宅處也村今多
張姓云是華後亦不復有博辯強記其人者蓋華
范陽故有二宅皇初中居隱約而賦鷓鴣及秦康
中又出督幽州久久也嘗徙居載書籍三十乘也
及元康中華難將作晝夢屋壞朝見劍穿屋飛去

者維陽監省舍。非范陽屋矣。劍當卽豐城得者。干
將傳曰華被害。失于將所在。飛去不應更一劍也。
華事載晉書。反國安書志。其所著博物志。今猶有
傳。然其初四斤卷。非今十卷也。華著卷天下遺逸
書。契以來。闕緯秘異。反國里所著。及曰百卷。秦於
武帝。帝詔詰問。籍上綜萬代博識。絕倫。驚所未聞。
異所未見。將恐繁蕪耳。且可更裝。截浮疑。分爲十
卷。通舉御前。肯鑑視。是于闕國所獻。麟角筆。是遠

西國所獻。側理萬番。是南越所獻。海苔爲之。固安
戶冊有曰張華里者。萬曆中。胡令其俊。編審次重。
其姓諱。更唱曰賢。今則編張賢里矣。張墓在盧溝
東南六十里。廻城故基。

蘭溪姜應甲。過張華故宅。○茫然一宅。晉春秋。沒
逃難。憑指故丘。匣劍已開。穿屋去。井欄猶見。傷
村。留姓多孫子。惟耕鑿。居散圖書。憶較。儲四百
餘篇。傳十卷。當年博物未全收。

彭小仙墓

固安縣南十八里之彭村。武廟初，忽一童子詣村長者言：童子李，請彭姓爲長者牧，自是牧三十年，尚童不更長也。每日中，忽驅牛歸，霍霍收塲曝。俄則雨，雨中忽拔欄放牛出，俄則晴，故村之人漸問童子以旱溢，歲所宜畜植，已漸涉休咎徵，號之曰彭小仙。有以妖聞于都，捕者至，童子謂其家無恐，自爲具給捕者，給衆觀者，莫測所從致，則就繫。

測其村人口百年後兵來白旗下者生矣夫中道
益草周于項身首異焉捕者以狀報人迺收瘞
村北頭曰彭小能墓歲清明十月朔祭掃節也人
無蒲艾藥器出是墓下十年後村有人見小能金
陵道中叩所齎生笑不言歸村與驗其藏一履耳
仍封而像祀之雨晴禱焉崇禎己巳歲□□□固
安憶小仙言者望白旗下竄旗書白旗都三周滿
機云周蓊人□□□□□其所按偶無憾殺托去

則紱還之。

燃燈佛塔

古有曰佑聖教寺者。今通州學宮也。官牆外左地。故塔存焉。塔級十三。高二百八十尺。圓百四尺。中空。供燃燈古佛。塔今剝盡。所存膚寸。則金碧琉璃也。今人自謂日文巧已。然此古塔。工花紋。妍色澤。後世實莫及。佛石佛也。石面亦剝盡。復存其坯。未裝時。塔有碣。楷書續續字間存。周苻號幾年。矜古者。相諱。清曰。成周也。佛法入中國。先漢明帝時。殆

三四百年不知此。北朝後周宇文氏也。成周紀年無建號。亦無今楷書。塔別存石一方。唐貞觀某年尉遲敬德修。又一方。元至德某年。馮烈圖。應再修。塔頂一鐵箭貫之。傳爲金將楊立射者。天氣清霽。塔影飛五里外。現自河水而。塔影搖搖然。而亦近河。迺無影。

長洲葛一龍禮燃燈塔。○荒菴留廢塔。千祀表峻嶒。歲月銷金碧。封疆護法乘。宗孫五六祖。天步

十三登。杲杲天邊日。長明劫外燈。

華亭汪屠賢燃燈佛塔。○燃燈何代佛。茲塔留靈
跡。淵。謝金碧餘。寂寥丘阜積。殘鐸時一鳴。歲月
猶。歷。歷。窅然入古初。塵劫一朝久。

江寧倪有淳燃燈佛塔。○塔質存胎佛。霜風剝髮
屑。周朝疑問客。費舍老客僧。遠過河飛影。傳聞
鬼。施。燈。欲尋遺字跡。荒落不堪登。

李卓吾墓

卓吾生平求友。晚始得通州馬侍御經綸也。其葬通州。卓吾老馬迎之。生與俱也。死于馬乎。殯塚高一丈。周列白楊百餘株。碑二。一日李卓吾先生墓。秣陵焦竑題。一卓吾老子碑。黃梅汪可受誤。碑不誌。姓名鄉里。但稱卓吾老子也。卓吾名贇。字宏甫。溫陵人。以孝廉爲姚安太守。中興外冷。強力任性。爲守日。政令清簡。公座或與髡俱。簿書之間。時與

參論。又輒至伽藍，判了公事，人性之，踰年入雞足山，閱藏不出。御史劉維奇其人，既令致仕歸，初善莛黃安耿子庸，遂携妻女客黃安，曰：吾老矣，得一二友以永日，吾樂之，何必吾故鄉也。性醇潔，惡近頹人，無子，亦不置妾。後妻女欲歸，趨歸之，稱流寓客子，自是參求乘理，則庸見骨，少有弮其機者，人以爲厲，又怪之。子庸死，遂至麻城龍潭，築芝佛院以居。龍潭石址，潭周迤，至必以舟，而河流沙淺，岸

舟莫至，以是隔遠縉素，日獨與情深有，周司空思
敬語，然對之意，日讀書，已復危坐，不甚交語也。其
讀書也，不以目使一人高誦，傍聽之，讀書外有二
嗜，掃地，滌浴也。日數人膺帚具湯，不給焉。臭畏客
氣，客至，但一交手，卽令遠坐。一日搔髮，自嫌蒸蒸
作死人氣，適見侍者剃，遂去髮，獨存鬚鬚，禿而方
巾。先是論學不合者，愈怪之，以幻語聞，當事逐之。
時劉左轄東星，迎之武昌，梅中丞國楨，迎之雲中。

焦贛謨竝，迎之秣陵，皆暫往，無何復歸麻城，著藏書焚書，又爲梅中丞著孫子參同成，先是有與中丞構者，幻語又聞當事，又逐之，至火其居，于是馬侍御經綸，迎之通州，至，與馬公讀易，每卦千遍，一年而九正易因成，時欲老盤山，會當道疏上，指爲妖人，逮詔獄，尋得其實，議發還藉矣，曰：我年七十六，作客平生，何歸爲，遂以薙髮刀自剄，馬公瘞哭，曰：天手先生，妖人哉，有官棄官，有家棄家，有髮

棄髮其後一著書老學究其前一廉二千石也乃
收葬之葬之通州北門外迎福寺側。

寧波周汝登弔卓吾先生○半成伶俐半糊塗感
亂乾坤膽氣憊惹得世人爭欲殺蒼毛狼藉在
囹圄○天下聞名李卓吾死餘白骨暴皇都行
人真身街頭認面目繇來此老無。

臨川湯顯祖嘆卓老○自是精靈受出家鉢頭何
必向京華知教咲舞臨刀杖爛醉諸天兩襍花。

烏程釋真程吊卓吾先生墓○鴉鳴犬吠荒村裏
木落草枯寒月邊三拜孤墳無一語祇應拍手
哭蒼天○踏破百年生死窟倒翻千古是非窠
區區肉眼誰能識肉眼于今世幾多

會稽陳治安感李卓吾○通州郭北門迎福寺西
隅立石表卓吾望見爲歎歎公仕有苦操晚歲
獨遊虛極口詆世人髡首勸蕪書氣味非中和
難爲日用猶留諸尊俎間寧不首歎如胡乃近

之死使其憤懣舒。乾坤饒怪異，公異而見祛。

平湖陸啓法卓吾先生墓下○天地表空明，百家
立文宗。三教既以三，于中復分置。先生起千載，
高言絕羣智。脫畧生死中，不謝死生事。蜺骨宛
在茲，黃土表幽閔。古樹索索鳴，拜手托無際。

孟津王鐸弔李卓吾墓○李子何方去，寒雲葬此
疆。性陶成苦節，才燥及餘殃。鬼雨濛昏眼，嵩山
泣夜鶴。愁看哽咽水，老淚入湯湯。

同安池顯方謁李卓吾墓○半生交宇內、絲乃在
玄州、閩楚竟難得。佛儒俱不留、世人伺喜怒。大
道任恩讎、我亦尋知己、依依今未休。

宛平于奕正李卓吾墓○此翁千古在、疑佛又疑
魔、未效鴻冥去、其如龍亢何。書焚焚不盡、老苦
苦無多、公原年著書名老苦、潞水年年嘯長留。

君浩歌、

盤山

山有不可登。盤而登之。曰盤山。盤山。澗石而款于
土。石也。土同。導焉。樹圻石。鏤生者。根。債。倅。瘦。身。載
斗。瘦。柯。輪。搏。而。輻。引。歷。深。如。也。山。固。石。矣。而。石。羣
起于山者。又戴石焉。層素之而逾出。上若墮不墮。
下若仆未仆。古。越。出。其。下。人。至。今。慄。焉。其。下。又。多
奔泉。泉動而觸于石。濺鳴。日夜。與石之銳。下而廣
頽者。勢相搖。領。所爲盤泉也。盤泉十里。今沙其底。

石所潔也。魚魚影影不可匿，亦不可捉。石爲之竇，
寒也。峯危壁削，嵐氣到地，若濕到天。千古一翠，有
百欲飛欲墜，凭空而久住。所爲懸空石也。兩巖久
立相肅，光潤相及者，天門開也。門開得遊，門容臂
運容掌，巖肘其右，壑虛其左。大石阻絕，屢絕而登。
遊者記曰：晨將軍營光，莫吏部安道登焉。凡登天
門，謂者至上方寺，望而止，則令之西上二十里，登
馮所爲盤頂也。頂爲弁爲椎，又立塔以爲之繼。鎮

日過之。影落塞外。風過之。鈴振空半。雨過之。雷奔
趾下。欲少竹不可得。故雲照寺高潔而僧蕭如。盤
有三。下盤泉。上盤塔。中盤寺。少林寺也。寺傍紅氈
池。水鮮崖老。膚寸可惜。乃鑿龍于壁而朱之。因名
以訛。非所錄名也。踰四嶺而西者。李靖菴。有峰高
二里。頂廣四丈而平。李靖舞劍臺。靖往伐高麗。過
此臺也。臺石特堅。後之人不可得鑿。有唐李從簡
來游。數字刻焉。字各徑五寸。嶺上一石。如人著屨。

頭坐而又腰土人嘲之曰石尉遲東過十里雙峯寺有李仙跡石則又因形以訛非所跡也而記盤山者曰李愿盤谷也前之山矣豫之谷耶益訛矣盤谷在懷慶府之濟源縣

臨濟謝榛登盤山絕頂講黃龍祖師祠○前北來遊第一山山連七十二禪關人行巨壑泉聲裏馬渡層崖雲氣間石徑蕭蕭松吹冷萬折千迴臨絕頂鐘聲特傳下界遙鳥飛不到諸天迥老

僧笑指烟雲外，此意沉冥誰與會。風生平地本
無音，雲點太清猶是礙。弔古躊躇空石堂，黃龍
西去杳茫茫。珠林不見菩提影，寶塔長含舍利
光。壁塵拂去獨留賦，下嶺回看迷曉霧。放浪人
間那復來，月明夢繞盤山路。

公安袁宏道盤山○分明真山子，的的有書意。風
霜勻粉丹，雲霞綴錦地。一皴一百仞，雕鏤入空
際。瘦骨間青清，蒼勁有餘媚。天紳抹項垂，仙蕊

披禱被虬松，初萬林粘石無根蒂。峯峯有活石，
石石挾仙氣。一石置一山，一山一點翠。散作諸
諸巖，分身可千計。

盤山頂○摩天抽碧筴，俯不見烏井。西日照塔
輪影落，垂邊外。義髻瘦仙人，玉冠蒼水佩。貌古
骨奇清，見者肅而拜。浮空日颺雲，足底呈光怪。
或聚或披緋，或舞或澎湃。千里聽風鈴，飛花落
漸塞。一萍一青山，一點一人界。

游天門開○發足自巒石灣塚可四里一步一
驚魂路荒不容趾粘壁行刀脊下視深無底其
沙生以填其骨汗而泚其草油以繇其樹糟而
圮徒夫引長繩半日移一咫四肢互相用臂行
足以視或如鷲折身或如丁鹿尾或如鼓出殼
或如蟹引跪鬚髮生烟嵐肌膚碎荆杞百苦到
天門相對惟口咳雙壁削青銅飛鳥不能止陰
陽工刻轉霜雲恣摩砥敗榻蛇腹斷古鈕蟬螿

卷八
七古
義。謫。曲。史。籍。畫。斑。駁。硃。砂。蕊。俯。言。三。十。年。墓。石。
未。沾。屐。往。時。威。將。軍。架。空。一。游。此。引。指。人。人。危。
回。身。面。面。鬼。歸。來。豎。髮。自。判。命。最。奇。傀。

登州威繼光盤山絕頂○霜前一畝草木哀雲頭
對起石門開朝風曳酒不成前落葉歸鴉無數
來。但。使。玄。戈。銷。殺。氣。未。妨。白。髮。老。邊。才。勒。名。峰。
上。吾。誰。與。故。李。將。軍。舞。劍。臺。

應天朱之著盤山道中○盤泉盤石盤崖壁百折

猶難望嶺頭，鳥巢蒼林山果熟。客停飛旆野雲流，綠陰遮屋潭忘暑。白叟歌田不解愁，極目雄關環帝闕。可知奇奧在并幽。

仁和黃汝亨自盤山到上方寺○堆雲一簇片千重，襍磴盤空鳥道通。偃仄勢難游虎豹，杈枒峯不似芙蓉。細筱澗草迷烟展，忽見巖花命竹筍。迂客上方鐘磬下，天門開後幾登封。

登上盤塔○塔作峯稜峻，盤山最上盤。天開門

古關雲照寺長看。烟井漁陽晚。風沙鴈塞寒。荒
禪明佛火。興廢一憑欄。

大倉王衙游。塞山。塞北山河百二重。太行雲氣
入提封。泉爭亂壑。紫馬香車虛。紫
選。煙。花。當。九。月。青。天。雷。雨。出。雙。龍。朝。來。策。杖。中。
盤寺。指次。經行。第幾峰。○孤筇短笠。乍低昂。翠
壁丹楓。引望長日。似月寒。思渾池。峯如瀉。勢想
懷。襄。國。懸。片。石。流。泉。路。剛。接。危。崖。薜。荔。房。鏡。盞

高空不知出，冥冥鐘磬遠。相將○本將丘壑間。
山僧一望蒼然壯志增，日落三河烟瑟瑟，秋高
萬堞氣皎皎，參差遠磧遮雲斷。縹緲孤鴻出塞
層，長老自看無戰伐，漁陽棗栗廿年登。○樵徑
蒼封不厭幽，隔溪鳴鳥若相求。壑中天地懸壺
見，石上烟雲慘澹留。紅蕖亂流如谷轉，碧峰交
疊與林稠。采山釣水真堪老，辛苦驅車入薊州。
順天王嘉謨盤山觀頂○雲上峰巒天上浮，盤盤

未便是山頭。西看落月依三輔。南望平蕪入九
州。遠徑翠開烟鳥道。半空紅現火龍湫。荒唐無
限高。危意比似人間亦可愁。

游盤山望法藏寺○游人盤復盤。雲鳥飛相先。
香草澹無烟。散霧墮橫練。端峰令人尊。奇石令人
眩。大小立虛空。贅若冠與弁。千年久當墮。况
兩傾風捲。其巖有紺宇。左右俯將見。僧言至無
人。頗回神鬼眩。日月疾兩丸。僕僕寒暑禪。上古

龍入池。未出當其倦。

雙峰寺。○木石與山古。苔草新其姿。黛華浮半空。飛泉汎流澌。壁穴山之陽。蔽虧錯差差。萬嶺怒相對。孤雲鬱不移。中峰一翠龕。四壁護仁祠。山僧薜蘿衣。綠以松鬚皮。磨堅得古字。指畫栢。競疑栢相鳴。哀蟬峯光惡人思。

蒙陰公光國登雙峰寺閣。○雙門開闢重神州。四塞烟沙感壯遊。日色不隨花異候。雲雷在下瀑。

無休。僧鐘祇報曉。客隊難驚飲。洞猴醉欲
題峰依古宇。苔封蘚護使人愁。

公安袁中道登盤山○徧山雜種石數步卽鳴泉
絕壁有心仄野花無意妍節前時着蘚衲破不
識○若道長尋簡僧居畢此年

應天孫園教盤山水亭○泉自上盤遠下盤去作
溪嶺中還任任亭影亦折折星照無聲洞日臨
東飲覓客歸僧定夜楓負馮猿啼

新水官。巖極上方寺。○不是羣峰列。飛來雲幾支。
釋空龍半現。虹日水全奇。青豆懸天外。朱花誌
路歧。昔游先我得。芳草卧唐碑。

千像寺

山之青。積空色也。山之紫。日色秋色暮色也。山之
綠。草樹色。山時日時蒼矣。雲烟色也。山自無色。而
有所自爲色者。光五色暈焉。九華頂也。頂于盤山
之麓。一峯出雲。凝然而動勢。聳然而媚容。下有寺
曰千佛。唐開元寺也。今頽矣。殿佛歲愁風雨。房僧
日泣。竈烟客無所坐。坐山門。看九華頂則去。寺後
半里一石。米粉色。縱二丈。廣丈有五尺。日搖動。石

試一人指然推之。風動。衆則不動。試作語曰。我
其搖。則不動。初動。看日影移處知之。次看石。知動
也。然石根山連。無緣墜焉。寺無山田。僧得目青友
人。就治。轉脫然念。香火以之。僧所取礪若砢者。斷
唐人詩碑。字碌碌然。而時貴詩碑。薄立儼如。字波
無損者。寺而百半里。感化寺。令人碑完好矣。番
字也。如篆符。乃不可識其歲月。

公安袁宏道宿千緣寺中錄刻史。○詰曲崎嶇路。

數秀透瘦石。飛巖竊綉花。螺子點雲額。平生米
南宮。瓊幽窮鬼出。石根搜古雲。踏徧秋空碧。籀
眼見新巒。長笑落巾幘。貪看不知晚。懸石布茵
蒲。回首神仙吏。青嶂達門闔。侍史朝焚香。秋雲
幾回白。稜稜怪石供。聊以施行客。

仁和黃汝亨朝發盤山飯千像寺○初日盤峰雨
氣侵。撥雲扶策上高林。石能搖動思根性。峰戴
華紋作珥簪。千佛番番風蒲座。數僧莽莽土爲

音開元歎息殘碑字冷却探奇名愿心

湯泉

湯泉在遵化縣北四十里，泉從山坡下，沸而西出，魏氏土地記曰：徐無城東有溫湯水，出北山溪，卽溫源也。養疾者不能澡其炎，漂以其過灼。萬曆五年，賊大將軍繼光，甃石池之，深二丈，方四尋，覆以堂，日九新。水東出于石，爲之龍吻，噴甚怒，未至泉數十步，氣熾熾，聲洶洶，其不可卽，卽之，靜若鑑，投錢池中，翻翻若黃蝶，百折而下，至底，宛然錢也。以

熟生物與炊者等候數十年前有小卒滑而入不
一反側糜焉堂壁刻武宗宮人王氏怨詩導而
左達之爲小塘塘陰有竇以通寒水浴者時啓而
劑泉之溫寒水者亦泉也去湯泉數武出于泥沙
湯泉有石根若焦釜者出之石不及則寒矣泉前
唐寺貞觀二年建名福泉寺人則呼湯泉寺攷湯
泉或曰赤道經之王褒湯泉銘曰白碧上徹片砂
下沉或曰下有硫黃以爲之根其泉酸也滋味正

淡。西洋熊三拔水法。曰湯泉。硫之華。疾寒服硫不
若服湯泉。其實係地氣。稍近。溫涼之徵。變故壤爲
之。硫泉爲之湯。豈根硫也。西國有山焉。七十餘泉
皆湯。國王試得其性。味氣各所主治。各標厥泉。以
教國人。不獨硫焉。蘇門答刺國境。布那姑兒山。產
皆硫黃。不聞其泉湯也。又水火者。陰陽之蘖。精陰
得質而陽得氣。爲泉。爲湯。陽得質而陰得氣。爲燄。
爲涼。然而水性非熱。火性非涼。湯泉以貯器。還涼。

蕭丘之涼。餘以燃物。還熱。寧。劉。陳。日。江。寧。縣。寺。有。晉。長。明。燈。歲。久。火。色。變。青。而。不。滅。其。存。氣。易。此。其。微。矣。湯。泉。最。著。驪。山。最。潔。香。齋。最。熱。遵。化。他。而。分。寧。而。臨。川。而。崇。仁。而。安。寧。而。寧。州。而。白。崖。而。德。勝。關。而。浪。穹。而。宜。良。而。彭。州。而。襄。毅。而。京。山。而。新。田。等。

武。進。唐。順。之。游。遂。化。湯。泉。○。絕。寒。伏。殘。秋。已。涼。北。山。溪。下。候。非。常。不。如。釜。不。因。人。熱。疏。有。津。堪。入。

藥香黍赤先成塲可築。艸青方嫩夜難霜。中
入浴應遲久。盤礴風前飲未妨。

新都在道昆湯泉○上都湯沐傍龍宮。內苑溫泉
徑自通。雲近樓臺疑結廬。氣蒸冰雪儼如甌。靈
源半落霜林外。寒谷先回六琯中。冠蓋沒憐行
役久。風塵又向塞門東。

重過湯泉○過雨沙塲畝盡耕。垂楊野寺到新
鶯。池頭似識重遊客。垓下曾看一洗兵。蒲甕雲

蒸春酒熟，當杯月抱夜珠明。何來席畔鐘聲早，
獨恨風塵未濯纓。

吳縣周天球秋過湯泉○炎漂一道傍禪宮，百沸
騰波膏澤同。呪嶺定持迦葉願，潛源應藉鬱攸
功。暖蒸寒谷吹壺外，垢脫泥塗浣濯中。塞上洗
兵休沐日，不須挾纜有春融。

通州陳萬言湯泉○聞說 先皇到上方，湯泉從
此引流長。傳衣簡記春迎駕，賜沐人題夜洗裝。

鏡室明珠空泣淚。翠清脂粉尚留香。停車不擇
村沽惡。浴罷蓮蓬入夢涼。

新昌戴九立湯泉。○見說金湯設有岡。今看靈液
涌邊隅。氣蒸亭口圍成霧。聲沸池心鑿作珠。雪
白胡天春自漢。浴知九盡灌知農。燕都信是陽
和地。黍谷吹噓事有無。○爲濯塵殺到上方。九
新亭下石欄傍。靜涵蘿月光初滿。暖合松雲氣
日香。別院暗流開藥圃。前池分注作蓮塘。清

朝久已稀。巡幸却笑華清。籠絡長

湯泉讀。武宗官人王氏詩悲而次韻。得寵
無多失寵常空。留怨句在溫湯。君恩似水東流
去。冷熱人間總斷腸。

商城顧中行薊州湯泉○茲泉溫可濯垢淨理同
新地起循南極天行正北辰烈炎瘥自遠人物
暖偏親。誰道遼河朔。風光不借春。

蘭陽梁雲構湯泉○大漠風高寒不偃。長城雪作

得春天。日經赤道。潮流液。地駁金輪火。作泉。炎
燄沸湯。先沸石。氤氳生霧。不生煙。病除垢淨。心
猶熱。去促西。成入稻田。

延祥觀栢

平谷縣城東延祥觀栢古質而葉幽光再生栢也
栢初生何代何年其再生也異代矣幾四百年矣
元至元中丘真人任燕京長春宮弟子徧京東西
歲丁亥迎往盤山作醮事過觀中見枯栢扶而摩
之曰憐惜憐惜去栢乃葉生茂至今焉觀東北十
五里岡隆然如大塚漁子山也世傳是軒轅陵或
呼之軒轅臺也舊有軒轅廟焉今圯也夫軒轅鼎

成乘龍上昇矣。其小臣扳龍髯。拔抱弓以號。今陵
所寢。鸚鵡。龍之髯。歟。弓。謂冠劍佩。鸚鵡。鳴湖。荆山。
陵。倚山也。而漁陽又陵歟。

南塘張天庠延祥觀栢○城東老翁鬢皆白。兒時
觀中嬉。古栢。古栢。忽忽數輩人。看我手中孫。又
尺。歲寒我曝栢陰。陰庭雪到。腹綠光。適。新官大
屢構良材。花。押。文。書。來。選擇。筵。簿。不。許。祝。辭。畢。
栢幹仗存神氣。厄。初年脫葉。漸脫膚。更幾十年。

更狼籍。鵠撥杖去。蠶米集。百能錯。示日能灸。長
春道士此經過。左摩右持言。可惜明年歲。六在
玄枵。新葉一春還。舊碧異事。夫免小信疑。疑者
一二信者百。君不信。回家觀。萊公竹。有德有道
神所役。長春今去去。有歸栢爾。自老千年輝。
儀封王延相。軒轅臺。○日山北。平甸。隱隱川塗分。
南臨古帝臺。長望遙天雲。不見廣成子。空懷赤
霞文。舉湖龍化久。千秋竟誰聞。

沙巖寺塔

塔多以光影示異，亦有塔身自異者。有其物異者，
豐潤縣村沙巖寺有塔，故十三級，洪武中霧彌三
日，塔失所在，今其址存。南關外玉皇閣石塔，自元
時塔六角，角一石龍，成化中南北角龍乘雨飛去，
今缺焉。涿州舊塔立桑乾河中，名鎮河塔，嘉靖中
塔崩，內古錢飛空如蝶，爾後河水時濫矣。大興
縣安村塔，萬曆初大雷雨過，其下段存，其上段若

一里外，土人呼半截塔也。過沙巖寺北，曰湏水，出崖兒口，繇運河入于海。凡水東流而此水也。西人謂還鄉河也。河在梁魚務舊有橋，宋徽宗北轅過橋，羸馬四顧，泣然曰：吾過此，向大漠，安得似此水還鄉矣。已而曰：趙氏子孫，文游耳，仰而曰：天與後聖，寧吾恥警，因不食而去。人過謂橋，思鄉橋也。

種玉田

種玉田、一蹟也。兩其方、一氏一字也。兩其名、一事也。兩其說、搜神記曰、漢之陽雍伯、雒陽人、至性篤孝、葬父母無終山、山高而上無水、雍伯置飲焉、有人就飲、與石一斗、令種之、玉生其田、伯求北平徐氏女、娶以白璧一雙、伯至玉田、求得五雙、妻之、縣西北有陽公壇社、其故居也、陽氏譜敘言翁伯周景王之孫、春秋之末、爰宅無終、食采陽樊、而易氏

焉。愛仁博施。天祚玉田。其碑文云。居于縣北六十里。翁同之山。後路徙西山之下。陽公又遷。而受玉田之賜。情不好寶。玉田自去。後陽千寶作石柱。四角各丈。中央一頃之地。名曰玉田。今碑云。玉田之捐。然今無終山玉田。在縣東北三十里。山下之溪。有砂焉。曰玉田砂。皆質而脆。以拭器也。有光灼然。天下治民資之。

紅螺山

懷柔縣北二十里。有山高二百仞。石山也。衆山皆青。沉沉獨黑。日午麗之。不秋而紫。山有潭。當山之頂。潭有螺二。如斗。色殷紅。時放霞光。照射林麓。以是故名紅螺山。有寺。土人呼紅螺寺。宇廢。像朴而塵不集。高風穿殿過。無塵也。僧則曰。辟塵珠藏焉。有泉。趵趵如顆。時一定動。日珍珠泉。寺左二里。復寺。曰定慧。亦久廢。中一臺。琉璃。鸞角。簷牙。窓門。悉

形具而實闕。額有字曰捺捺殿。不知殿何識。名何義。建何年。有石井。井植鐵柱。柱繞鐵索。若有銅者。時一隱見。或曰蛟焉。或曰螺焉。

武昌江桂遊紅螺山。○和雲月暮。和村烟。迷却山。脈山在天。潭水自然高。日。以谷風遠。過偶開關。螺依佛宇。嵐光淡。蛟伏靈宮。老石田。古殿問僧。僧不識。荒唐香火積。年年。